

**AWIG-AWIG
DESA PAKRAMAN SRITEJA**



**DESA BUAHAN KAJA
KECAMATAN PAYANGAN
KABUPATEN GIANYAR**

PIDAGING
MAKA BANTANG AWIG-AWIG DESA PAKRAMAN SRITEJA

PRATHAMA SARGAH	ARAN LAN WAWIDANGAN DESA.....	1
DWITYA SARGAH	PATITIS LAN PIMIKUKUH.....	2
TRITYA SARGAH	SUKERTA TATA PAKRAMAN.....	2
Palet 1	Indik Krama.....	2
Palet 2	Indik Prajuru/Dulun Desa.....	5
Palet 3	Indik Kulkul.....	7
Palet 4	Indik Paruman.....	8
Palet 5	Indik Druwen Desa.....	9
Palet 6	Indik Sukerta Pamitgep.....	11
	Kaping 1 Karang , tegal lan carik.....	11
	Kaping 2 Pepayonan.....	11
	Kaping 3 Wewangunan.....	12
	Kaping 4 Wewatungan.....	13
	Kaping 5 Bhaya.....	13
	Kaping 6 Panyanggran Banjar.....	14
CATHURTAS SARGAH	SUKERTA TATA AGAMA.....	15
Palet 1	Indik Dewa Yadnya.....	15
Palet 2	Indik Resi Yadnya.....	18
Palet 3	Indik Pitra Yadnya.....	19
Palet 4	Indik ManusaYadnya.....	23
Palet 5	Indik Bhuta Yadnya.....	24
PANCAMA SARGAH	SUKERTA TATA PAWONGAN.....	25
Palet 1	Indik Pawwahan.....	25
Palet 2	Indik Nyapian.....	27
Palet 3	Indik Sentana.....	28
Palet 4	Indik Warisan.....	30
SAT SARGAH	WICARA LAN PAMIDANDA.....	32
Palet 1	Indik Wicara.....	32
Palet 2	Indik Pamidanda.....	33
SAPTAMA SARGAH	NGUWAH-NGUWUHIN AWIG-AWIG.....	34
ASTAMAS SARGAH	SAMAPTA.....	34

SRI MURTHI

AUM, OM

Om Swastyastu, Om Awighnamastu Nama Siddham

Malarapan panghyaning Ida Sanghyang Widhi Wasa, asung kerta
nugraha ngawentenang kahunpan sakala niskala, ring Bhuwana Agung lan
Bhuwana Alit. Manut dresta desane wantah pawakan pesayuban krama desa
rawuhing kula warga pawongnya. Desane kamanggehang Bhuwana Agung,
pawongnya sowang-sowang pinaka Bhuwana Alit.

Sotaning Bhuwana Agung desane wantah pawakan Bhawa maurip,
jangkep saha Tri Hita Karananya, iuwire :

na. Parhyangan, sahananing , panyiwian desa genah ngarcana Ida
Hyang Parama Wisesa, meka jiwane desane.

na. Pawongan, krama saha warga desa meka sami pawakan Bayu
Pramana (Tri Kaya) mawinan desane sida molah maprawerti.

ca. Palemahan, tanah kakuwuban desa, sinanggeh stula sariraning
desane

Adung patemon Bhuwana kalih, larapan santa jagadhita , sinanggeh
murdhaning prayojana pangriptaning Awig-awig Desa Pakraman ring sabha
krama desa Pakraman Sriteja.

Pamutus sabha inucap pinaka sepat siku-siku pamatut, wastu prasida
prayojanan mami kabeh prasama anghidep muwah amagehaken kadi linging
Awig-awig iki.

PRATHAMAS SARGAH ARAN LAN WAWIDANGAN DESA

Pawos 1

(1) Desa Pakraman Punika mawasta Desa Pakraman Sriteja

(2) Jebar kakuwub wawidangannya mawates nyatur :

na. Sisih Wetan ring Desa Pakraman Tengipis

na. Sisih Kulon ring Desa Pakraman Majangan

ca. Sisih Lor ring Desa Pakraman Selat

na. Sisih Kidul ring Desa Pakraman Buehan.

(3) Desa punika kawangun antuk karang ayahan Desa lan karang gunakaya
wantah tunggal banjar.

**DWITYA SARGAH
PATITIS LAN PAMIKUKUH**

Pawos 2

Desa Pakraman Sriteja ngamanggehang pamikukuh minakadi :
 na. Pancasila
 na. Undang-Undang Dasar 1945 pamekas pasal 18
 na. Paswaran sang mawangrat nganutin indik Desa Pakraman
 na. Tri Hita Karana manut sada cara Agama Hindu.

Pawos 3

Luwir Patitis Desa Pakraman Sriteja :
 na. Ngukuhang miwah ngrajegang Sang Hyang Agama;
 na. Nginggilang tata Prawertine maagama;
 na. Ngrajegang kasukertan Desa Saha Pawongannya sakala lawan niskala.

**TRITYA SARGAH
SUKERTA TATA PAKRAMAN**

Palet 1

Indik Krama

Pawos 4

- (1) Sane kabawos krama desa inggih punika kulawarga sane maagama Hindu saha ngamong karang utawi jenek mapaumahan ring sawidangan desa.
- (2) Sajaba punika sinanggeh tamiyu :
 - na. Sane kabinayang dados kalih inggih punika sane maagama Hindu, miwah siosen ring maagama Hindu.
 - na. Manut pararem, turmaning keni jinah wewangunan ring Bale Banjar.

Pawos 5

- Krama Desa wenten 4 (petang) pawos . luwire :
- na. Krama ngarep, kulawarga sane ngamong karang, utawi manut pararem;
 - na. Krama Kamplengan kulawarga sane nenten ngamong karang nanging sampun mawiwaha;
 - na. Krama Balu, krama sane katinggal seda olih lanang utawi istri nyane, utawi sangkaning nyapihan krama balu inucap kabinayang dados :
 1. Balu makrambian, inggih punika balu sane maduwe sentanan dereng merabiab utawi dereng antes ngayah.

2. Balu ngalistik, inggih punika balu sane tanpa sentana.
- ra. Krama Tapukan, kulawarga manut aksara ha utawi na ring ajeng sakewanten durung antes ngayah utawi salami kanton masekolah malarapan ilikita pastika saking sekolahnya, manut pararem.

Pawos 6

- (1) Ngawit dados krama desa :
- ha. Sangkaning ngamong karang, jenek mapaumahan utawi manut pararem;
- na. Mawiwit pawiwahan.
- (2) Panamaya tedun makrama Desa :
- ha. Nyabran sasih kasanga saha majalaran antuk paigum saderengnya arep ring krama sane ngamong karang ayahan Desa;
- na. Ngantos asasih mawiwit pawiwahan;
- ca. Jenek mapaumahan, manut pararem.

Pawos 7

Sahanan krama Desa keni tatengenan luwire :

- ha. Ayah Ngarep, mapiteges urunan miwah ayahan mamungkul;
- na. Ayah komplengan, mapiteges urunan mamungkul ring pura Dalem, Merajapati, Bale Banjar pateh ring krama ngarep;
- ca. Ayah Balu, ayah miwah urunannya manut kahanan balu inucap;
- ra. Ayah Tapukan, keni urunan mamungkul;
- Kaluputang ayah-ayahan, ngantos mayusa 17 warsa, utawi sampun mawiwaha.
- Yening kanton masekolah, taler kaluputang ayah-ayahan, malarapan ilikita pastika saking sekolahnya.
- ka. Prade nikalaning ngayah wenten sinalih tunggil Krama matilar tanpa sadok sadereng puput karya, wenang krama inucap keni pamidanda manut pararem, tanjek taler kawastanin.

Pawos 8

- (1) Swadhraman Krama, sewosan ring tatengenan luwire :
- ha. Tinut saturut ring sadaging Awig-awig, pararem lan paswaran Desa;
- na. Tan maren ngutsahayang mangde Desane mrasidayang nyujur manut patitis.

ca. Tinut saturut ring Guru Wisesa;

ra. Krama anyar pamogpog jinah yening krama maduwe kas.

(2) Swadarmen Tamiyu, luwire :

ha. Tinut saturut ring yasa kenin desane;

na. Tan piwal ring sadaging awig-awig, pararem lan paswaran desa;

ca. Nyadokang raga ring prajuru arahina sasampun jumenek malarapan
antuk ilikita pastika saking desane utawi sang ngawawenang;

ra. Yan tan tinut pacang kainid (tan kadadosang jumenek ring desa)

ka. Keni jinah wewangunan ring Bale Banjar, manut pararem;

da. Yan wenten numbas tanah utawi pekarangan ayah-ayahan manut
pararem;

Pawos 9

(1) Polih-olihan Krama :

ha. Polih pasayuban sakala niskala tur kabawosin saha katiwakin pamutus
sahanan wicaranya;

na. Nyarengin paruman tur wenang sareng mastikayang pamutus;

ca. Kadadosang madeg Prajuru, manut pararem.

(2) Krama Desa Pakraman kadadosang :

ha. Mapoangkid utawi tan tedun :

1) Rikala, mayadnya, matepetin rare, sungkan kaluasan, lan siosen
punika;

2) Kengin tempo wantah apisan, sajawanin wenten wak-wakan saking
Prajuru Desa.

na. Nyada, mapiteges ngemademang ayah, risampun anak paling alit
merabian ring Desa pangarep ring Banjar nanging anak sane paling
duhur merabian langkung nyantos wenten panyeledihi tur tan dados
nyuksukin, sang nyada mangda digelis (sajeronin awarsa) mangda
nyantenang panyeledihi;

ca. Nyade, utawi nyuksukin sane kawenangang risampun manggeh deha-
teruna utawi mrasidayang nganutin krama;

ra. Nutug ayah antuk arta brana saantukan kapialang utawi ngentos ayah-
ayah antuk arta brana manut paelangan soang-soang tempek, manawi
kajudi olin sang mawangret, utawi kaluasan salami 3-7 rehina manut
pararem yening liwat pasih abulan

Pawos 10

(1) Wusan dados Krama Desa, luwire :

ha. Sangkaning pinunas ngeraga, manawi kasah kadura Desa utawi ngalangkungin sagara;

na. Sangkaning kanorayang, duaning sampun tan prasida ngesehin solah maprawerti satat nguwig pamargin Awig-awig.

(2) Sang wusan makrama:

ha. Patut ngaturang karang ayahan Desa, prade karang punika karang Desa;

na. Tan polih pah-pahan saking padruweyan Desa sajawanin pah-pahan padruwen ring tempek manut pararem;

ca. Tan polih pasayuban sajronin ala ayu;

ra. Wusan makrama Desa mapiteges taler wusan makrama desa, mangda sampunan kasinanggeh empak ngelanting.

(3) Sang wusan makrama desa/ banjar prade mawali malih :

ha. Patut nawur saurah arih tategenan krama manut pararem (biaya bangunan);

na. Sang wusan sangkanin kanorayang patut :

1) Muntasang saluwir pamidanda utawi tategenan sane ngranayang kanorayang;

2) Nunas geng pangampura ring paruman desa maduluran panyangaskara panyapsap kaiwangan duwaning nguwak pasubaya pecak.

Palet 2

Prajuru lan Panglingsir Desa

Pawos 11

(1) Desa Pakraman Sriteja kaenter olih Bendesa Pakraman.

(2) Banjar utawi tempekan kaenter olih Klian Banjar/Tempek

(3) Bendesa lan Klian Banjar patut :

ha. Mawit saking krama ngarep/wed kajangkepint antuk :

1) Uning ring aksara latin utawi Bali;

- 2) Uning ring tata titining mawa desa;
 - 3) Uning ring panindik Agama lan Pakraman;
 - 4) Lascarya ngayah tur madruwe parilaksana sane rahayu.
- na. Kaadegang malarapan antuk kacatri olih parumannya soang-soang nyabran
5 (limang) warsa, sejawaning wenten panindik tiyos, tur dados kacatri malih;
ca. Maduluran Dewa saksi ring Pura Bale Agung.

Pawos 12

- (1) Bendesa Pakraman kasanggra olih
 - ha. Patajuh utawi Pangliman pinaka wakilnya;
 - na. Panyarikan pinaka juru surat;
 - ca. Patengen utawi juru raksa pinaka pangamong druwen Desa;
 - ra. Kasinoman pinaka juru arah, akehnya manut kawigunan saha magilir nyabran awarsa.
- (2) Sajeroning ngenterang kasukertan niskala, Bendesa mingsinggihang Pamangku Kahyangan Desa utawi sang Rumaga Sulinggih.
- (3) Desa ngadegang Panglingsir pinaka Kertha Desa :
 - ha. Makaangga saking prajuru lepas maka miwah sang wikan ring Pakraman miwah agama, makuwehnya 5 diri utawi manut pararem;
 - na. Adiri sinanggeh panuwa, kawantu panyarikan Desa pinaka juru ilikita;
 - ca. Tata cara ngadegang miwah tiyosnya manut pawos 11 (3) aksara na.

Pawos 13

- (1) Swadharmaning Bendesa Pakraman luwire :
 - ha. Ngenterang pamargin sadaging Awig-awig miwah pararem Desa;
 - na. Nuntun tur ngenterang krama rawuhing warga Desa sami ngupadi manut patitis;
 - ca. Mawosin kalih niwakang pamutus arep ring wicara warga Desa;
 - ra. Maka duta Desa matemuang bawos ring sapa siru ugi.
- (2) Prade Prajuru iwang pelaksana keni pamidanda nikel ring kalwangan soang-soang krama, tur dados karayanang manut pararem.

Pawos 14

- Patias utawi olih-olihan Prajuru/Dulun Desa, luwire :
- ha. Luput rerampen lan papeson;
 - na. Polih tanding tengah.

ca. Upon pecatu/palaba carik/tegal;

ra. Patias sewosan manut pararem yening wenten ngedum druwen Desa.

Pawos 15

(1) Prajuru /penglingsir desa kagentosin nantukan :

ha. Lina/ seda;

na. Kanorayang dwaning iwang pamangi utawi nilar sesana;

ca. Wit saking pakayun utawi pinunas ngaraga

(2) Nganorayang utawi ngentosin Prajuru/Panglingsir patut sajeroning paruman tur kaingkupin olih Krama Desa.

Palet 3

Indik Kukul

Pawos 16

(1) Kukul ring Desa luwre :

ha. Kukul ring Kahyangan

na. Kukul Desa

ca. Kukul Banjar/Tempekan;

ra. Kukul Sekaa-sekaa.

(2) Tabuh tatetakan kukul ring Kahyangan Desa :

ha. Nungtit/ silih asih, tengeran wenten Yadnya/Upacara;

na. Tulud lambat, tengeran tedun ngayah;

ca. Bulus, tengeran wenten bhaya.

(3) Tabuh tatetakan kukul ring soang-soang Bebanjaran :

ha. Bulus

1) Atulud bulus, tengeran kageni bhaya;

2) 2 tulud bulus, tengeran kapandangan (artha bhaya);

3) 3 tulud bulus, tengeran jiwa bhaya;

4) Tigang klentungan bulus panjang, tengeran lindu, er, lan pawana bhaya.

na. Lambat :

1) 2 tulud lambat, tengeran tedun ngayah utawi wenten pakaryan;

2) Nungtit silih asih. Tengeran surya grha, bulan kapangan;

3) 3 tulud lambat tengeran kalayu sekaran

ca. Klentungan :

- 1) 5 klentungan, tengeran rare embas;
- 2) 9 klentungan, tengeran pawiwahan;
- 3) 2 klentungan ngempang panjang, tengeran ngawangdeang karya;
- 4) 3 klentungan tengeran rare kalayu sekaran.

Pawos 17

- (1) Kukul Desa utawi Banjar tan wenang katepak yening tan sangkaning pituduh Prajuru Desa/ Banjar, sajawaning tengeran bhaya.
- (2) Sang nepak tan sangkaning pituduh patut digelis, atur supekse maka buatan panepake, yan tan sapunika wenang sang mawurug kadanda manut pararem.
- (3) Kukul sekaa-sekaa samaliha kukul pondokan-pondokan tan kalugra nyawerin (matehin) sukat utawi tengeran kukul Desa/Banjar sajawaning tengeran bhaya, prade mamurug taler kadanda manut pararem.

Palet 4

Indik Paruman

Pawos 18

- (1) Paruman /sangkepan ring Desa Pakraman Sriteja wenten :
ha. Paruman Desa/banjar, kawentenang :
 - 1) Nyabran ngasasih, maka cihna tanpa arah-arah, dwaning sampun tetap panamaya manut pararem babanjaran soang-soang, nemonin rahina Budha Kliwon.
 - 2) Nepkala (padgata kala) maka jaleranan arah-arah manut tatujon.
- (2) Paruman Desa utawi Banjar madudonan sakadi ring sor :
ha. Prasida limaksana nisampun katedumin olih sang patut ngamiletin, kamanggala antuk tengeran kukul miwah mabusana Pakraman madya, saha tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane;
na. Maka sarana janggi, pangawit kalaksenayang panyacak sepsepan saha riwusnya nyacak, ngetang dadosan gung alit manut pararem(macacak sadurunge ngambil karya).

ca. Tan kalugra ngawetuang suwara gora utawi byota, yan wenten
asapunika keni pamindanda beya pacamil kadi dandaning nguman-
uman ring sabha, keni pawuh prayascitta durmanggala yening ring
genah suci;

ra. Pamutus babawos berluk sapanggul (lingkup) punika kamanggehang.

- (3) Prade pidaging paruman tan kaingkupin mangda Prajuru/Panglingsir Desa
ngilikang babawos, saha pamutusnya mangda kararemin olih Krama Desa,
bilih tan prasida kasungkemin karerehang paingkup jantos ping tiga
Prajuru/Dulu wenang nunas bawos ring, Sang Ngawa Wenang.

Pawos 19

- (1) Sajeroning paruman Desa, Bendesa patut nyobyahang pamargin ngenterang
Desa, pamekas ngeninin indik :
ha. Munjuk lungsuring pakraman saha ayah-ayah, sulur arta brana druhen
desa;
na. Rarincikan Prajuru/Panglingsir ngeninin usaha Desa kapungkur.
- (2) Pamutus paruman Desa sinanggeh pararem maka pamitegep utawi
pamargin daging awig-awig.

Pawos 20

- (1) Sangkepan Prajuru/Panglingsir Desa kawenangan wantah ngarincikang
pengerencana usaha Desa kapungkur.
- (2) Sangkepan Prajuru/ Panglingsir Desa tan kawenang ngawedalang tategenan
ring krama sadreng kaingkupin olih krama desa ring paruman.
- (3) Pamutus sangkepan Prajuru/ Panglingsir Desa ngawetuang pasuwara, maka
pidaging pituduh sang ngawawenang utawi ngonekang pecak pararem
krama desa.

Palet 5

Indik Druwen Desa

Pawos 21

- (1) Padruwen Desa Pakraman Siteja sekadi ring sor :
ha. Kahyangan Desa luwire :

- 1) Kahyangan Tiga : Pura Desa lan Bale Agung, Pura Puseh, Pura Dalem lan Praja Pati.
- 2) Pura Catur Buana
- 3) Pura Dukuh Sakti.

na. Wentilan Desa

ca. Tanah tegalan (manut ilikita)

ra. Karang ayahan Desa, munjuk lungsur saking 25 karang ring ajeng;

ka. Setra-setra palebahan, makadi setra pekingsan, setra pengarep;

da. Palaba Pura, carik/tegal (manut ilikita);

ta. Lelanguan, makadi tetabuhan lan ilen-ilen padruwen Desa/babanjaran luwire :

- 1) Gong

- 2) Klentangan;

- 3) Ilen-ilen wali pura: Rejang, Pendet, Baris;

- 4) Muwah padruwen tiyosan.

sa. Nyasa, sasanthi, pipil krama, ilikita-ilikita sewosan;

wa. Lembaga Perkreditan Desa (LPD)

(2) Pilih-pilihan Desa Pakraman Snteja luwire :

na. Pilih-pilihan saking palaba Pura;

na. Urunan Krama Desa Pakraman;

ca. Paica saking guru wisesa;

ra. Paica-paica sane tiyosan, sane patut;

ka. Usaha Desa Pakraman minakadi mutranang jinah kas Desa.

Pawos 22

- (1) Prajuru Desa wenang ngetangang pamupon laba pura lan sapanunggalan druwen Desa.
- (2) Pikolih lan pamupunya kaanggen prabeya piodalan saha wewangunan ring Pura miwah anggen kabuatan Desa Pakraman.
- (3) Nyabran pasangkepan Desa, Prajuru pangamong druwe desa nguningayang pamindikan munjuk lungsuring padruwean ring Krama Desa.
- (4) Sakaluwiring druwen Desa patut wenten ilikitanya.
- (5) Tan kalugra ngadol utawi ngesahang padruweyan Desa yan tan kasungkemih olih Krama Desa ring paruman.

Palet 6

Sukerta Pamitegep

Kaping 1

Karang, Tegalan lan Carik

Pawos 23

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pagehan mangda pakantenannya asti.
- (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sajawening tanah pacatu, tegal, carik utawi tanah padruwen ngaraga, sane kapiara watese sisi kelod miwah kauh utawi manut drestha, reh punika mawasta gegaleng kateben.
- (3) Prade' karasayang pagehan /turus inucap ngalikadin, yen pada arsa panyandinge, kengin watese nganggen pinget kewanten, kasaksinin olih Prajurit/Dulun Desa utawi pracinna pal saking Sang Ngawawenang.
- (4) Prade wenten karang kabebeng/embet mangde kausahang wenten pamarginnnya, manut palgum lan pararem.

Pawos 24

- (1) Sinalih funggil Krama Desa/Banjar tan kalugra :
 na. Ngalah-alah margi, tegal ayahan Desa, Karang Desa lan sapanunggalannya;
 na. Naglah-alah tanah linggah Kahyangan, tegak setra lan sekancan linggih sinanggeh suci.
- (2) Prade wenten sakadi ring ajeng, sang ngalalah wenang ngawaliang tanah inucap saha keni pamidanda manut pararem kadulurin upakara prade ngalalah tanah suci.

Kaping 2

Pepayonan

Pawos 25

- (1) Ngawit nandur pepayonan tanem tuwuh patut adepa agung (1,5 meter) ngajeroang saking wates, prade jantos ngaliwat wates wenang kasepat gantungin.

- (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit, sang rumasa katetahan/kajerihan wenang masadok ring Prajuru/Dulu, tur risampun kaparitas kalugra mademang wit inucap, sakewanten patin pepayonan patut kataur manut pangelokika sane nepasin.
- (4) Sang keni pamidanda panyangaskara saha prabeya manut pararem arep ring wewangunan sang karubuhin, juwene :
 - ha. Sang nruwenang wit sianggeh mayanin, prade pungkut ngarubuhin wewangunan krama tiyos;
 - na. Sang notor, munggul utawi ngarebah taru tur ngarubuhin krama tiyos.
- (5) Prade wenten wit mentik sajronin patut kapademang, mangda ten ngranayang wicara Prade sampun ageng kapademang, wit punika pinara tiga :
 - ha. Apah tiga katur ring sang nruwenang wit.
 - na. Apah tiga katur ring sang panyandingnya.
 - ca. Apah tiga katur ring Desa Pakraman.
- (6) Krama Desa patut ngamanggehang kawerdian tanem tuwuh sane ngawinang Desane asri.

Kaping 3 Wewangunan Pawos 26

- (1) Nyabran ngawangun patut:
 - ha. Masadok ring prajuru, ping ajeng prade wewangunan nganinin wates;
 - na. Ngangge sukat asta bhumih miwah gagulak asta kosala-kosali, sanistane manut ring patitis niskala;
 - ca. Tan nyayubin kapisaga.
 - ra. Tan dados ngambahang toya wit saking jempeng/W.C, miwah belengbeng/ bada kapisaga.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane mangde kakaryanang abangan.

Kaping 4
Wewalungan
Pawos 27

- (1) Warga Desa sane mamia wewalungan patut sayaga nitenin negul/ngalogor mangde tan ngarusak karang pabianan Krama sewos, bilih-bilih jantos ngaranjing ngaletihin Kahyangan.
- (2) Prade wenten wewalungan malubar utawi ngeleb ngarusak pekarangan/ pabianan Krama sewos, risampun kawara dados kataban tur kadanda ngawaling wi sane karusak saha nawur panebes paparan tetabanen, manut pangelokika Prajuru Desa.
- (3) Prade jantos ngaletihin linggih suci, minakadi Pamrajan, risampun kapartitas olih Prajuru wenang sang nruwenang kadanda mabuhu Agung (caru eka sata, maduluran tebasan prayascitta durmanggala), prade ngaletihin Kahyangan Desa utawi Pura Pamaksan, wenang nyaronin antuk Panca sata makerep lik belang kalung.
- (4) Krama Desa patut nyerayanin wewalungan miwah sarwa prani, tan kapatut ngamademang paksi, nuba ulam, miwah sane siwosan. Prade wenten malaksana sakadi punika keni pamidanda manut pararem tur kasturang ring sang Ngawawenang.

Kaping 5
Bhaya
Pawos 28

- (1) Parindik bhaya, luwire : jiwa bhaya (kapandungan), geni bhaya, er bhaya lan dura cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 16 (3) aksara ha.
- (3) Prade ring desa kahanan jiwa bhaya, patut Desane ngaturan Bhuta Yadnya, manut sang mayanin kasturang ring Sang Ngawawenang.
- (4) Prade wenten jatma mamisuh utawi nguman-nguman jadma tiyos kakenin pamidanda beya pacamil maduluran Panca sata manut pararem.
- (5) Yaning wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran penyangaskara prade sang majengilan kantos ngamadelang rah.

Pawos 29

- (1) Sang manggihin kahanan artha bhaya (kamalingan), patut ngukul mapitulung manut ring pawos 15 (3) aksara ha utawi sang kamalingan atur supeksa ring Prajuru Desa sana pacang nimbangin utawi nandanin manut pararem, saha maweweh panyangaskara prade wenten jatma ngamaling barang sianggeh suci.
- (2) Pratingkahe mapailon ring dusta kabawos saruron, prade wenten jatma manggihin maling tan nyadokang ring Prajuru jantos jatma tios nyaduang, patut kadanda kadi dandaning maling, sakweh pangaran wit manut cacakan Banjar, tur prade jantos ping tiga pararem malaksana asapunika wenang kasukserah ring sang Ngawawenang.
- (3) Prade wenten jadma ngararah reremon, minakadi daun kelapa, ron miwah sane sewosan tan sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jadma ngaranjing kapakubon wiadin pakarangan jadma tiyos rikala suwung, mawastu sang madruwe karang kalcalan, wenang jadma inucap katuwekang antuk madewa saksi ring Pura Bale Agung.
- (5) Mangde tan katuwekang manut sakadi ring ajeng, asing-asing ngaranjing kapakubon jatma liyos patut :
 - ha. Matengeran suwara(makaukan)
 - na. Nyantos sang nruwenang karang rawuh utawi masadok ring pangapit pinih tempak, maka buatan pangaranjinge;
 - ca. Pamedal karangnya kadagingin sawen, maka cihna pangarah rikala suwung.

Kaping 6

Panyanggran Banjar

Pawos 30

Krama Desa rikala ngawentenang karya suka-duka, patut kasanggra olih banjar, luwire

- ha. Prade ngawangun Pitra Yadhya utawi Manusa Yadhya, manut pinunas sang mayadnya.
- na. Pangarombo utawi karya gotong-royong krama jantos ping tiga, langkungan ring punika patut katuran pangu;

- ca. Pangingu rikala Pitra Yadnya manut abot dangan Yadnya, prade saking
semengan ngantos wengi katuran pangingu ping kalih.
ra. Pangerombo tiyosan manut pararem.

**CATHURTAS SARGAH
SUKERTA TATA AGAMA**

Palet 1

Indik Dewa Yadnya

Pawos 31

- (1) Kahyangan Panyiwian ring sawidangan Desa Pakraman Sriteja luwire :
ha. Kahyangan Tiga, Pura Desa/Bale Agung, Puseh miwah pura Dalem lan
Prajapati;
na. Pura Catur Buana;
ca. Pura Dukuh sakti;
- (2) Rahina Piodalan ring soang-soang Kahyangan inucap, kadi ring sor :
ha. Ring Kahyangan Tiga luwire :
1) Pura Desa/Bale Agung, rikala Purnamaning kapat: Budha Manis
Dulung Wangi.
2) Pura Puseh rikala; Budha Manis Dulung Wangi;
3) Pura Dalem, rikala; Budha Wage Kelau
na. Pura Prajapati, rikala Budha Wage Kelau
ca. Pura Catur Buana, rikala Sukra Paing Matal
ra. Pura Dukuh Sakti, rikala Tumpek Wariga.
- (3) Pangaci ring Pura inucap manut kecap sastra agama, saha kalaksanayang
nista, madia, utama manut kawentenang lan pararem.
- (4) Pangempon soang-soang pura manut dresta kadi ring sor :
ha. Pura Puseh, Kaempon olih Desa Pakraman.
na. Pura Bale Agung, kaempon olih banjar/ tempekan soang-soang saha
magilir nyabran ngenem sasih , luwire:
Desa Pakraman
ca. Pura Dalem, kaempon olih banjar/tempekan soang-soang saha magilir
nyabran ngodalin , luwire :
Banjar Pakraman
ra. Pura Catur Buana kaempon olih Krama Banjar Pakraman;
ka. Pura Dukuh kaempon olih Krama Desa Pakraman.

Pawos 32

- (1) Ring soang-soang Pura inucap patut kaadegang Pamangku;
- (2) Ngadegang Pamangku manut dudonan :
 - na. Nyanyan utawi masemurang, soang-soang mapiteges mapinunas ring
ajeng Pura wadin kadura Desa manawi ring ballan kunteng,, lan
sapanunggalannya;
 - na. Turunan utawi waris
 - ca. Kacatri olih Krama Desa.
- (3) Tan kawenang adegang Pamangku luwire :
 - na. Cedangga makadi peceng, perot, cingih lan sapanunggilanipun;
 - na. Sang sapisira ugi sane tan kapatutang manut pararem,
 - ca. Sakit ila, ayan, buduh, wadin edan;
 - na. Sane tan madrebe kasucian urip.
- (4) Prabia kapamangkuan :
 - na. Adiksa Widhi (Ngawintenin) lanang wadin istri kamedalin saha
kalaksanayang olih sang ngadegang , makadi Krama Desa utawi
pangempon Pura soang-soang;
 - na. Mapitra Yadnya riwekas lenang miwah istri patut kasungkemin olih
krama desa utawi pangemong, sanistane Brahmaprayascitta,
panyanggrane manut pararem prade Yadnya inucap kalaksanayang olih
wargan sira pamangku.
 - ca. Sinalih tunggil krama yan wenten ngipik-ipik sapani polah pamangku,
nanging pamangku tan sapunika pari polahnya kadi sane kalpik-ipik,
wenang jadma inucap kasisipang nyuciang pamangku, manut pararem.
- (5) Pamangku patut ngamanggehang sasaning Pamangku luwire :
 - na. Ambek Dharma Sadhu;
 - na. Asewaka Dharma, makadang sastra utama;
 - ca. Tan parek ring naya dustha;
 - na. Tan atayub ring tarub camara yudha;
 - ka. Tan manjing umah wong banja karma;
 - ca. Tan manjing ring umah wong drati krama;
 - ta. Tan wenang ajajuden;
 - sa. Tan anginum asing angawe mada;

wa. Tan pati pikul-pikulan;

la. Tan salab-sulub;

ma. Tan wenang anayub upadrawaning cor, yan mawiyawahara teka wenang adewa saksi;

ga. Tan wenang griganing wong akweh;

ba. Tan keneng cuntakaning wong len, sajawaning kulawargannya tungga natah, utawi pasiwanja manut dresta pengebenan.

(6) Prade mamurung, wenang Pamangku nyepuhin raga.

(7) Yen pacang ngawalat rabi wenang ngaturang rumuhun pawintenannya, ring pura genahnya madeg pamangku nguni, tembenya wawu wenang ngawalat rabi, riwus upacaraanya wenang ngawana wasa salaminya atahun, wus punika wawu mawinten lakibi kadi pawintenannya nguni.

Pawos 33

(1) Swadharman Pamangku luwire :

ha. Ngenterang upacara piodalan ring Kahyangan utawi ring soang-soang pakubon krama;

na. Prade salah timpal Pamangku kapialang utawi cuntaka, kengin nguntap pamangkuan desa sane tan cuntaka utawi nawur sang sulinggih;

ca. Samaliha yan sampun Pamangku ngayah ring Pura kancit wenten kulawargannya lina/seda Pamangku inucap tan keneng cuntaka sakewanten Pamangku tan dados budal salami piodalan.

(2) Patias utawi olih-olihan Pamangku luwire :

ha. Panyelasan miwah sarin carang soang-soang pakubon krama desa manut pararem;

na. Upon palaba carik miwah tegal manut pararem;

ca. Luput pakaryan, rerampen/reramon, lan pagadingan (luput manuk);

ra. Patias sewosan manut pararem.

Pawos 34

(1) Pamangku kagentosin riantukan :

ha. Seda

na. Pinunas ngaraga, sangkaning kageringan lan sapanunggalannya;

ca. Kawusanang olih Krama sangkaning malaksana sane tan patut.

- (2) Prade Pamangku kauwusang sangkaning malaksana tan patut keni mapidana manut pararem saha ngawallang prabiya pawintenannya pecak.

Pawos 35

Kasukerta kahyangan kadi ring sor :

- (1) Tan kalugra ngaranjing ka Pura luwire :

ha. Sang katiben cuntaka makadi sebel ring raga utawi kapademan;
 na. Makta sahanan sinanggeh ngaletihin;
 ca. Sato agung, rikala mapapada;
 ra. Mabusana sane tan patut kadi tatacaraning ngaranjing ka Pura;
 ka. Sadereng polih wak-wakan (pituduh) Prajuru/Dulun desa;
 da. Yaning tan pangangge Pakraman keni danda atikelan dadosan manut pararem.

- (2) Pratingkahe tan wenang ring Pura :

ha. Masumpah (cor) sawawaning pituduh Prajuru/Pangelingsir Desa;
 na. Wak parusya/wak capala, makobetan, masasenengan, makolem dados asiki lanang wadon mabacin, mawarih, macecepin rare, majalja/majengilan, nyangsang busana, menahin pusungan (santukan punika rikala majahitan patut magelung busung maconger lidinya);
 ca. Munggah tedun palinggih sawawaning pituduh Prajuru.

- (3) Sang mamurug kacap ring ajeng keni pamidanda pamrayascitta sapatutnya.

Pawos 36

- (1) Yan wenten jadma karawuhan ring Pura, dados kapintonin prade rumasa kasumangsayan, yan tan wiakti, jatma inucap kasisipang manut pararem utawi danda panyangaskara (ngeresigana)
 (2) Prade Kahyangan kahanan durnanggala, minakadi keni bhaya Pamangku Sang manggihin patut digelis nyadokang ring Prajuru mangda marumang Krama Desa tur ngawentenang pamrayascitta sapatutnya.

Palet 2

Indik Resi Yadnya

Pawos 37

- (1) Sang pacang madeg Pandita tawi Pinandita minakadi Balien Sonteng, Kubayan, dalang, sakaluwring sane jadi ngenterang Yadnya patut masadok ring Prajuru Desa utawi Parisada Hindu Dharma Indonesia.

- (2) Prajuru Desa patut ngawas nitenin tur wenang ngalangin prade wenten kacihnian nyasaring kakecap miwah drestanine, tur sareng nyaksinin upacara saba nyobyahang ring paruman Desa tegap rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelepas Sang sulinggih riwekas katuntun olih Prajuru Desa.

Pawos 38

- (1) Sang Sulinggih lan pamangku patut ngariyining muputang ring wawidangan Desa Pakraman Sriteja sasampun punika wawu muputang yadnya kajabar tos/kadura desa.
- (2) Krama desa sami patut sareng ngawas nitenin katuntun olih Prajuru, mangda sahanan yadnya sane kawentenang kaicen pamuput olih Pandita utawi Pandita manut kawenangannya soang-soang.

Palet 3

Indik Pitra Yadnya

Pawos 39

Pamargin Pitra Yadnya madudonan manut sakadi ring sor :

na. Pangupakaran Sang kalayu sekaran :

- 1) Antuk mendem utawi ngeseng, makacihna pakinsan ring ibu pratiwi utawi ring geni, salami nuptupang prabeya;
- 2) Atiwa-tiwa (upakara pangabenan/palebun).

na. Upacara upakara Pitra Yadnya riwusan kaabenang ngranis munggah daun bingih (ngaroras) manut dudonan Atma Wedana.

Pawos 40

Swadharman lan tategenan Krama kalayu sekaran

- (1) Sang kaduhkitan patut :

na. Nyadokang ring Klian tur nunas tatimbangan ring kawentenannya;

na. Ngaturin Banjar ngarombo makarya eteh-ete sawa saha ngeter kasetra; tur katuran panyamibrama canang sasida-sidaan.

- (2) Swadharmaning Banjar :

na. Klian Banjar maritatas pamargin sang kaduhkitan, napike pacang kapendem, makingsan nyin utawi lantur kaabenang;

na. Prade kapendem, rans kaswarayang kulkul pamitahu manut pawos 16

- (3) aksara na olih Klian Banjar utawi wakilnya.

ca. Panyanggran Banjar salanturnyane :

- 1) Soang-soang Krama Banjar neduang patas beras, adeng kelapa, miwah manut pararem;
- 2) Ngarombo ngaryanin eteh-eteh sawa, kasarengin olih Krama, sane rawuh ngarombo
- 3) Sami Krama Banjar nganter kasetra jantos puput pamendemane.
- (3) Tan kengin ngalelet tangkungan ring 7 (pitung) rehina, tur patut polih pagedagan manut paetangan Klan patas/Banjar.
- (4) Tan kalugra nginepang bangbang miwah mendem rikala :
Semut sadulur,
Kala gotongan,
Pasah
Kajeng Kliwon, sane negak piodalan kahyangan desa,
Soma Umanis Taulu
Ingkel wong
Prawani Purnama Tilem
Rerahinan jagat
- (5) Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kulkul tur mamargi wengi/sasiliban ke setra siosan (setra pakingsan)
- (6) Pamargi pemendeman utawi palebonan mangda nganutin sastra agama lan dresta.
- (7) Yaning jatma dura desa keni pangupakara setra lan panukun setra manut pararem.

Pawos 41

- (1) Sane kasinanggeh kacuntaka sakadi ring sor :
na. Cuntaka antuk kalayu sekaran;
na. Cuntaka antuk ngeraja swala;
ca. Cuntaka antuk ngembasang putra;
ra. Cuntaka antuk keruron;
ka. Cuntaka antuk sakit ila, buduh;
da. Cuntaka antuk pawiwahan;
ta. Cuntaka antuk gamia gamana;

sa. Cuntaka antuk salah timpal;

wa. Cuntaka antuk anak istri mobot nenten kaupakarayang pabiukaonan miwah pawidiwidana;

la. Cuntaka antuk mamitra ngalang;

ma. Cuntaka yaning wenten anak istri ngamedalang putra sadurunge maupakara pabiukaonan miwah pawidiwidanaan.

(2) Sengker cuntaka manut kawentenannya :

ha. Cuntaka kalayu sekaran, cuntakanya kaanutang ring loka dresta Desa Pakraman;

na. Cuntaka ngeraja swala, 3 rahina ngawit saking ngeraja swala utawi salamining ngeraja swala;

ca. Cuntaka ngembas putra, 3 rahina ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, istri sane lanang 12 rahina;

ra. Cuntaka karuron, cuntakanya abulan pitung rahina (42 rahina) tur sampun matirta pamrayascita;

ka. Cuntaka sakit la, buduh/ledan, cuntakannya manut likita pastika saking sang ngawawenang/ sang nambanin miwah sampun mrayascita raga;

da. Cuntaka pawiwahan, cuntakannya ngantos sasampun matirta pabiukaonan;

ta. Cuntaka gamia gamana, cuntakanya ngantos sasampune kapalasang/kasapihang tur sampun kawentenang pamrayascita raga miwah pamrayascita Desa Pakraman/Kahyangan;

sa. Cuntaka salah timpal kapuputang manut ring sastra Agama Hindu (kamargiang marisudaha bhumih olih Desa Pakraman);

wa. Cuntaka anak istri mobot nenten kawentenang upakara pabiukaonan, cuntakanya ngantos kawentenang upakara pabiukonan;

la. Cuntaka mamitra ngalang, cuntakannya ngantos kawentenang upakara pabiukaonan;

ma. Ngembasang putra nenten kawentenang upakara pabiukaonan miwah pawidiwidana, cuntakanya ngantos wenten sane mameras sang putra, lan sampun kawentenang upakara manut ring sastra Agama Hindu;

(3) Cuntaka Kalayu sekaran/Kapendem

ha. kapendem cuntakannya

1) Cuntaka/ sebal kabanjar ngantos 12 rahina sesampun kaupakarayang
riwusnya menden/manut dresta utawi sasampun polih
panrayascita.

2) kulawargania sejaroning pakarangan ngantos 42 rahina / manut
dresta.

na. Kaabenang cuntakanya :

Sang nyambut karya Pitra Yadnya cuntakannya ngawit makarya
sanganan wusan mapegat kalenturang malih 12 rahina.

(4). Sane katiben cuntaka luwira :

na. Kalayu sekaran sane kacuntaka :

1) Sang sane kalayu sekaran;

2) Kulawargannya;

3) Babanjaran

na. Ngeraja swala sane kacuntaka, sang :

- Sane ngaraja swala.

ca. Ngembas putra sane kacuntaka, kulawargania :

- Sane ngembasang putra, sane lanang 12 rahina wiadin istri 42 rahina.

ra. Pawiwahan sane kacuntaka sang:

- Sane ngalaksanayang pawiwahan lanang wiadin istri.

ka. Sakit ila, buduh, sane kacuntaka raganya dawak.

da. Karuron sane kacuntaka kawula :

- Warganya lanang 12 rahina wiadin istri 42 rahina.

ta. Gamia gamana sane kacuntaka;

1) Sang sane ngalaksanayang gamia gamana;

2) Desa Pakraman nyane.

sa. Salah timpal sane kacuntaka:

1) Sang sane malaksana salah timpal;

2) Kulawarganya;

3) Desa Pakraman marisuda gumi.

wa. Anak istri mobot nenten kawentenang upacara pabiukaonan sane
kacuntaka;

- Sane maraga istri (sane mobot)

la. Mamitra ngalang sane kacuntaka;

- Sane ngalaksanayang mamitra ngalang.

ma. Ngembas putra nenten kawentenang upacara pabiukaonan miwah
upacara pawidi widana sane kacuntaka.

- 1) Sang sane ngembasang putra;
- 2) Putra sane embas.
- (5) Tan keneng cuntaka, luwire :
 - 1) Sang Sulinggih lan Pamangku Kahyangan Tiga;
 - 2) Rikala piodalan risampun ngalang sasih/ngalang tengah.

Pawos 42

- (1) Attiwa-tiwa (pangabenan) kalaksanayang antuk :
 - ha. Sawa prateka, pangabenan mawatang sawa;
 - na. Sawa Resi, pangabenan mawatang antuk sawa kresyan.
- (2) Panemayan pangabenan wenten kalih pawos :
 - ha. Ngaben dadakan/bah bangun yaning pamangku manut pararem;
 - na. Ngaben ngamasa, manut pararem.
- (3) Dudonan pangabenan ngawit saking ngagah (seda), ngeseng ngantos pangiriman utawi nganyut.

Pawos 43

- (1) Pepatusan pangabenan wenten kalih pawos :
 - ha. Ngaben ngamasa luwire : gesing papah jaka, kelangsah miwah sane sewosan manut pararem;
 - na. Ngaben dadakan, pateh sakadi patus lina/seda kapendem.
- (2) Pangingune ring Krama Banjar ngawit ngayah manut abot dangan kawentenan karya.

Palet 4

Indik Manusa Yadnya

Pawos 44

- (1) Manusa Yadnya inggih punika upacara-upakara dharmaning kahuripan manusa, ngawit saking patemoning kama bang kalawan kama petak sajeroning garbha ngantos kalayu sekaran riwekas.
- (2) Upacara ring ajeng madudonan sakadi ring sor :
 - ha. Magedong-gedongan duk pangerempinan ibiang;
 - na. Duk sang karmareka medal;
 - ca. Kepus odel;

- ra. Roras rahina;
- ka. Tutug kambuhan (42 rahina);
- da. Nigang sasihan (3 sasih);
- sa. Tutug kelih (ngeraja swala wadone, ngembakin lanange);
- wa. Matatah/mapandes;
- la. Mawiwaha;
- ma. Mawinten;

- (3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pewos 45

- (1) Bhuta Yadnya inggih punika upacara-upakara byakala ring Pratiwi lan Kahyangan, sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring prani, sarwa tumuwuh muwang piranti luwire :
 - ha. Ring sarwa lelandep rikala Saniscara Kliwon wara Landep;
 - na. Ring sarwa tumuwuh lan piranti rikala Saniscara Kliwon wara Wariga;
 - ca. Ring sarwa syandana/ wahana rikala Saniscara Kliwon wara Kuningan;
 - ra. Ring sarwa lelangan rikala Saniscara Kliwon wara Krulut;
 - ka. Ring sarwa ingon-ingon Awewalungan rikala Saniscara Kliwon wara Uye;
 - da. Ring sarwa ringgit, ukir-ukiran rikala Saniscara Kliwon wara Wayang;
 - ta. Upacara pakala-kalan manusa manut widana, kabawos pabyakala.
- (3) Upacara pabyakala ring Pratiwi, Kahyangan lan Babhutan kawastaning macaru.
- (4) Pacaruan inucap ring ajeng nista, madia, utama manut wiguna kadi ring sor :

ha. Ekasata;	na. Panca sata;
ca. Panca sanak;	ra. Resi gana;
ka. Tawur Agung;	da. Panca Kelud;
- (5) Sajawaning kadi ring ajeng kawentenang upakara :
 - ha. Majot-jotan utawi yadnya sesa nyabran wusan ngarateng;
 - na. Masapuh-sapuh rikala pacang wali ring pura;
 - ca. Pacaruan pasasihan kalaksanayang nangken Titiem ngawit sasih ka 5,6,7,8 lan ka 9, sajawanin wenten durbiksan jagat.

Pawos 46

- (1) Nangkén ngawarsa nikalaning Tilem Kasanga kawentenang tawur kasanga, kalenturang antuk ngarupuk, makacihna mapag rahina panyepian benjangne.
- (2) Brata panyepian sane kamargiang olih Krama Desa:
 - ha. Amati geni : tan kengin maapi-api;
 - na. Amati karya : tan kengin nyambut karya;
 - ca. Amati lelungan : tan kengin maceng-oneng, masuara gora, lan sapanunggalannya,
 - ra. Amati lelungan : tan dados malancaran
- (3) Pabratan inucap kamargiang sakeng semeng ngantos semeng benjangne, raris kasuwarayang kukul punika cihna pangembak,
- (4) Sang mamurug kecap ring ajeng keni pamidanda manut pararem banjar/tempek soang-soang kamargiang olih patelik (pacalang desa).
- (5) Riwus rahina Nyepi (benjangne) maka cihna pangawit Isaka Warsa, patut warga desa sami madharma Santi.

**PANCAMA SARGAH
SUKERTA TATA PAWONGAN**

Palet 1

Indik Pawiwahan

Pawos 47

- (1) Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala.
- (2) Pamargin pawiwahan luwre
 - ha. Pepadikan, kamanggala antuk pakunayan;
 - na. Ngarorod, marangkat riya wawu kakrunayang;
 - ca. Nyeburin utawi sentana nyeburin (risampun nganutin upakara pamerasan).
- (3) Pidabdab sang pacang mawiwaha patut
 - ha. sampun menggeh deha-teruna (prasida nganutin Undang-Undang);
 - na. Sangkaning kecap sastra Agama (tan gamis gamana);
 - ca. Kasudiwadani prade pangambale tios Agama.
- (4) Pamargin pawiwahan mangde taler nganutin Undang-undang perkawitan sakeng Sang Ngawawenang.

Pawos 48

- (1) Pawiwahan sane kapatutang ring desa, sakadi ring sor -
 ha. Sampun kamargiang pabyakala, utawi pasakapan, kasaksiang sakala
 niskala olih Pandita utawi Pinandita.
 na. Wenten pasaksi Prajuru sane mapakelingang utawi nglikitayang
 pawiwahan;
 ca. Sampun matengeran suwaran kulkul;
 ra. Pawiwahan inucap ring ajeng sampun kacatetang ring sang
 Ngawawenang.

Pawos 49

Tata caraning parabian

- (1) Sapa sira ugi pacang ngawarangeng pakulawarganya patut masadok ring
 Prajuru, selanturnya Prajuru maritatas manut tan manut pamargin parabine.
 (2) Pamargin papadikan manut dudonan :
 ha. Pakrunayan jantos ping tiga, saha soang-soang malarapan:
 1. Kapertama antuk canang/sedah;
 2. Kaping kalih antuk canang pangrawos;
 3. Kaping tiga antuk daksina pajati kabawos pamuput pamadikan;
 na. Risampun puput raris sang istri kaajak budai ring pakubon sang lanang,
 saha kalanturang antuk pabyakala.
 ca. Mangda puput tumus sakala niskala, raris kulewarga purusa mekta
 pajati ring Pamrajan wadone.
 (3) Prade ngarorod/ marangkat patut :
 ha. Reraman lanange ngawentenang pamilaku antuk duta sakirangnya 2
 (kalih) diri;
 na. Pagenahan antene tan kengin ring pakubon sang lanang sadereng
 mabeyakala.
 (4) Sajeroning pakrunayan/pengelakuan patut :
 ha. kamanggala antuk gang pangampura arep ring reraman wadone;
 na. Kaigumang bawos idih pakidih utawi pategayan arep ring pasewakan
 sang ngidih saha dewasa pakrabkambeyane riwekas;
 ca. Kacihnayang indik kaparusa utawi prade sentana rajeg kajejerang
 kapatut ngidih anak lanang sane kabawos pawiwahan nyeburin, tur
 risampun sulur pemerasan kategepin kamanggehang sentana nyeburin.
 ra. Prade tan terima pajati, pakrunayan kamargiang jantos ping tiga.

- (5) Pakerab-kambeyan mapiteges upacara tinas apadang (puput) mapakurenan, dwaning manut sekadi ring sor :
- ha. Sajeroning kabawos ambe, kalaksanayang ring sekala niskala masarana jejauman miwah pawidi widana;
- 1) Jejauman pinaka ngambe/ ngadungang kayun soang-soang pakulawargan wadone;
 - 2) Widi widana pinaka pajati niskala nunas wadone ring Pamrajannya.
- na. Sajeroning bawos kerab pamargin ring sakala :
- 1) Antuk panyaksi Krama Banjar, dwaning kaparabiang matengeran swaran kulikul;
 - 2) Pamekas pasaksi Prajuru sane ngalikitanyang.

Palet 2
Indik Nyapian
Pawos 50.

- (1) Pawiwahan prasida kawusang malarapan antuk parabian utawi kapademen.
- (2) Wusan mapakuren riantukan salah sinunggil lina mapiteges balu, makadi balu lanang/istri.
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supeksa pailikitan riya ring sang rumawos wastu tinas apadang pamutuse kabawos nyapian, wawu Prajuru nyobyahang kawentenannya ring desa saha keni panebas swaran kulikul manut pararem.

Pawos 51

- (1) Tata cara palas parabian sakadi ring sor :

ha. Nawur prabeya pasaksi sinalih tunggil sami matenga

na. Pagunakaya polih pahan pada,

ca. Pabekel, tadtadan soang-soang kakuasa niri-niri miwah warisan kakuasa olih purusa;

ra. Ngaweruhin miwah ngupajiwain pratisentana manut swadharmaning guru rupaka;

ka. Nawur pamidanda panebasan swaran kulikul manut pararem;

da. Ngelung jinah manut logika Prajuru

ta. Mapamit ring pamrajan lananga

(2) Prade nwekas sang palas kacihnan adung malih, patut :

ha. Ngalaksanayang pawiwahan malih;

na. Kadanda nikel saking palase.

Pawos 52

(1) Sang balu kabinayang dados :

ha. Balu luh wit (sentana rajeg) miwah balu luh boya sentana;

na. Balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut

ha. Ngamanggehang patibrata tan kengin ngamangiang paradara/drali krama;

na. Nguasayang waris pagunakaya tan dados ngadol, ngadeang, makidihang lan siosan punika, sajawaning kabebasan olih pianak utawi kulawarga pinih tampek sakeng kurenannya prade pianak kantun alit-alit.

ca. Kengin ngidih sentana prade wenten pidabdab sadurung sinalih tunggā pedem, saha kaabenang olih kulawarga sakeng kapurusa;

ra. Kawenangang mawiwaha malih, prade wenten kabebasan manut aksara ca ring ajeng.

(3) Balu kaucap tan pageh sakadi ring sor :

ha. Daratikrama utawi paradara,

na. Matilar saking pakubon tan pasadok jantos 6 (enam) sasih,

ca. Lempas ring swadharman sewos-sewosan tan prasida ngehehin salah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 53

(1) Sentana wenten kalih pawos, sane kaucap pratisentana miwah sentana paperasan.

(2) Pratisentana inggih punika sentana sane metu saking pawiwahan kapatut.

- (3) Prade pawiwahan tan kapatut ngawetuang sentana, mangde tan kantun kawastanin babinjat utawi astra patut kamanggala antuk panyangaskara.
- (4) Prade pawiwahan tan ngawetuang sentana, kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon sane kamanggehang purusa (lanang) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :
 - ha. Pratisentana wadon tunggal;
 - na. Sampun kamanggehang dados pratisentana lanang (purusa);
 - ca. Kapawiwahan kaceburin kautamayang antuk jadma sane maagama Hindu utawi jadma sane maagama, siyosan sane sampun ngalaksanayang sudiwadani.
 - ra. Sang ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Pakraman.

Pawos 54

- (1) Ngangkat sentana manut dudonan patut makacihna arts berana pamerasan sane kasaksiang sakal-niskala;
- (2) Sapa sira ugi krama pacang ngidih sentana patut masadok ring Bendesa sanistane 3 sasih sadereng pamerasan
- (3) Bendesa kawakilin olih Klian –klian Banjar nyobyahang ring sawidangan desa, sang sapa sira ugi rumasa tan lila mangda nyadokang masenger kalih uku (14 rahina) sabanen pamerasan ring Bendesa Pakraman.
- (4) Prajuru Desa digelis mawosin saha ngicenin pamutus nepek ring catur dresta miwah pararem.
- (5) Prade sulur paperasan tan manut kadi kecap ring ajeng, Prajuru Desa wenang ngadeg sang pacang mameras saha ngicenin pamutus mangda kapuputang riyin babawos, sulur utawi wicaranya.

Pawos 55

- (1) Paperasan sane kapatut ring desa risampun makacihna :
 - ha. Widi-widana paperasan;
 - na. Kasaksinin olih Prajuru desa sne makelingan utawi ngilikitang;
 - ca. Kasobyahang ring wawidangan desane.

(2) Sane kapatut peras angge sentana kadi ring sor :

ha. Jatma maagama Hindu

na. Papernahan nedunang saking sang meras;

ca. Kulawarga saking purusa, prade tan wenten kengin saking wadon,
yening teler tan wenten wawu kengin sakama-kama (sakita kayun);

ra. Kautamayang saking waris pancer kapurusa;

ka. Sinalih tunggil mawwit saking kulawarga tunggal sanggah utawi
merajan, paibon lan dedia utawi ngambilin anak tios sakewanten sang
maagama Hindu.

(3) Kengin ngangkat sentana langkungan ring adiri, lanang wiadin wadon, prade
ngangkat sentana lanang wadon, nenten dados kapewiwahang.

Palet 4

Indik Warisan

Pawos 56

(1) Warisan inggih punika tetamian erta berana saha ayah-ayah ngupadi
kasukertan sakala lan niskala saking kaluhuranhya arep ring turunanhya;

(2) Kang sinanggegh warisan luwire :

ha. Duwe tengah, makadi tegal, ayahan desa, kahyangan, pusaka siwa
pakarana lan sapanunggalannya;

na. Pamerajan;

ca. Pagunakayan , tadtadan / jiwa dana, hutang piutang.

(3) Wawu kengin kabawos warisan prade wenten:

ha. Sang mapiturun (pawaris)

na. Katurunan (ahli waris)

ca. erta berana miwah tategenan makacihna warisan.

Pawos 57

(1) Ahli waris luwire :

ha. Pratisentana purusa;

na. Pratisentana pradana (sentana rajeg);

ca. Sentana paperasan lanang / wadon.

(2) Prade tan wenten sakadi ring ajeng, kang sinanggegh ahli waris :

ha. Turunan purusa pernah ngunggahang, rerama, lanang, pakak
selanturnya rerama misan, mindon.

na. Turunan purusa pernah kasamping makadi kaponakan misan, mindon.

(3) Swadhrmaning ahli waris patut :

ha. Nerima saha nguwasayang tetamien pahan saking kaluhurannnya, makadi ngarempun sanggah, Pura saha pangupakarannya miwah nyelidihin ayah-ayahan pawaris;

ca. Ngabenang pawaris saha ngalanturang upacara-upacara pitra;

ra. Nawun hutang-hutang pawaris sane manut pengelokika.

Pawos 58

(1) Pangepahan waris manut sakadi ring sor :

ha. Risampun kalaksanayang Pitra Yadnya lan hutang-hutang pawaris buntas katawur.

na. Para ahli waris polih pah-pahan pada sangkaning pagunakayan, sajabaning karang/tegal, ayahan desa kaamong olih ahli waris kang sinanggeh krama ngarap.

(2) Sinalih tunggil ahli waris kengin tan polih pahan prade :

ha. Nilar kawitan tan sesananing Agama;

na. Alpaka guru rupeka;

ca. Sentana rajeg kesah mawiwaha utawi pratisentana nyeburin, soang-soang kabawos ninggal kPakramanon.

(3) Boya ahli waris kengin polih pahan prade :

ha. Sentana luh salami dereng kesah mawiwaha utawi tan alpaka guru, miwah prade madrebe pianak tan kasngkening olih wong tua rare inucap, kengin ngawaris wantah pikoli pagunakaya sentana luh inucap kemawon;

na. Balu luh wiedin muani nyeburin (soang-soang boya sentana);

ca. Mulih deha utawi teruna, nantukan ring pawiwahanne pecak sampun kabawos ninggal kPakramanon.

(4) Pawaris kengin maweweh rikala maurip pinaka jiwa dana, tadtadan/ bekel, makacihna paweweh tetep ring pianak sane kesah mawiwaha.

Pawos 59

(1) Prade sajroning pakulawargan wenten ahli waris langkungan ring adiri patut :

ha. Kawentenang paigum indik pedum waris inucap;

na. Yen tan prasida katunasang tatimbangan ring Prajuru(kerta desa);
 ca. Prade taler tan wenten cumpu ring panepase Kerta Desa, kengin
 katumusang ring sang Rumawos.

(2) Prade karang inucap kapuputang, patut prajuru nibakang ring :

ha. Sang sianggeh ahli waris manut pawos 57;

na. Sang kengin anggen sentana manut pawos 55 angka (2) miwah
 angka (3);

ca. Prade taler tan wenten cumpu rig panepas Kerta Desa, kengin
 katumusang ring sang Rumawos.

(3) Prade jantos karang desa kaepah utawi kasepih, aptut soang-soang nedunin
 makrama desa marep.

SAT SARGAH WICARA LAN PAMIDANDA

Palet 1

Indik Wicara

Pawos 60

- (1) Sane wenang mawosin makadi mutusang wicara ring desa inggih punika
 Prajuru/Panglingsir Desa sianggeh Kerta Desa.
- (2) Tata dudonan mawosin saha muputang wicara warga desa kadi ring sor :
 ha. Kaping ajeng kabawosin olih Kelian Banjar;
 na. Tan cumpu ring panepase Kelihan Banjar, karerehang pamutus ring
 paruman banjar, saderehng kerawuhang ring Pangelingsir Banjar;
 ca. Prade tan cumpu ring pamutus Banjar, katumusang ring Bendesa
 Pakraman lan Kerta Desa;
 ra. Taler tan wenten cumpu ring pamutus Kerta Desa katunasang ring
 Paruman Desa Pakraman, sinanggeh wacananing pamatut ring Desa.

Pawos 61

- (1) Sahanan wicara mawiwit kacorahan saka luwire sinanggeh nungkasin
 daging Awig-awig, pararem Desa/Banjar, Prajuru patut digelis mawosin tan
 nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana
 (saksi, ilikita, bukti) miwah tan maren nepek ring Catur Dresta.

Palet 2
Indik Pamidanda
Pawos 62

- (1) Desa/banjar wenang niwakang pamidanda ring warga Desa /Banjar sane sisip.
- (2) Paniwak inucap kalaksanayang olih Bendesa / Klian Banjar,
- (3) Bacakan pamidanda luwire :
 - ha. Ayahan panukun kasisipan;
 - na. Kanorayang;
 - ca. Panyangaskara.
- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda ngaranjing dados druwen Desa/banjar.

Pawos 63

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Rerampagan ngangge tata cara kadi ring sor :
 - ha. Kalaksanayang olih Prajuru kasarengin olih krama saakehe tigang diri maka saksi
 - na. Sang ngarampag sangkaning darsana ngambil barang utawi nyawenin tanem tuwuh, akehnya ring utang sang karampag, sang karampag mangda lila nyukserahang barangnya sane dados wala;
 - ca. Prajuru miteketang mangda barang-barang sane karampag digelis katibus, masenger awuku (7 rahina) ring kutus harinane pacang kaadol;
 - ra. Tan nganinin saluwir barang sane patut inggilang manut Agama miwah tan mademang pengupa jiwa sang karampag.

Pawos 64

- (1) Prade pacang karampag ngawara (ngalangin) palaksanan inucap mawastu sampun tan nganutin awig-awig desa wenang karang desa sane kagenahin kadaut olih Desane.
- (2) Samaliha yen purun taler ngalanin palaksanan kadi ring ajeng tan wenten pemargi sawanang kasepekang olih Krama Desane.

- (3) Pamidanda inucap ring ajeng keni buntas risampun sang kakeninin :
 ha. Nunas geng pangampura ring Krama Desa riantukan nguak pasubaya
 (pararem) pecak,
 na. Nawur pangangan panguak pasubayane duk pacang karampag
 kadulurin pamrayascita panyapsap kaiwangane ring Desa.

SAPTAMAS SARGAH
NGUWAH-NGUWAH AWIG-AWIG
Pawos 65

- (1) Nguwah-nguwah Awig-awig Desa puniki kalaksanayang ring paruman Desa.
 (2) Nguwah-nguwah Awig-awig kengin kamiargiang prade kamedalang saking
 prajuru utawi Krama Desa manut pararem.

Pawos 66

- (1) Sakaluwiring sane wenten saderengnya patut kaanutang ring sadaging awig-
 awig puniki.
 (2) Sakaluwiring sane durung kabawosan sajeroning Awig-awig puniki patut
 kalaksanayang manut tata cara sane sampun mamargi kadulurin antuk
 pararem- pararem.

ASTAMAS SARGAH
SAMAPTA
Pawos 67

- (1) Awig-awig puniki kawastanin Awig-awig Desa Pakraman Sriteja.
 (2) Awig-awig puniki kamargiang ngewit kaingkupin (kararemin).
 (3) Awig-awig puniki kararemin duk rahina Coma Umanis Wara Watugunung
 pananggal ping 7 Sasih 7 iseka 1923 tanggal Maselhi 4-2-2002 ring
 Wantilan Desa Sriteja.
 (4) Awig-awig puniki kalingga olih Bendesa lan Prajuru Pakraman, kasarengin
 Klian-Klian Banjar. Saha kasaksinin olih Prajuru Dinas pinaka saksi.

- (5) Luwir sang ngalingga tanganin :
ha. Kapertama Prajuru Pakraman :

1. Bendesa Adat

I MADE DENDES

2. Penyarikan

I MADE SUTA

3. Kliah-Klian Banjar
Klian Banjar Sritaja

I WAYAN DARMAYASA

na. Kaping Kalih Prajuru Dinas pinaka saksi :

1. Kepala Dusun Mayangan

I JENGER

2. Kepala Desa Buahon

I MADE SUARJAYA

3. Camat Payangan

DRS. I MADE SARI SUDARMAPUTRA

Mengetahui dan telah dicatatkan

Pada tanggal : 4 Juli 2002
Nomor : 19 Tahun 2002

BUPATI GIANJAR

TJOKORDA GDE BUDI SURYAWAN,SH